

Anthony Latham di Aurora Funeral Home:

Aparatonan di cremacion a yega Aruba



ORANJESTAD (AAN): Container grandi yena di material a yega ayera den oranan di dia na sede di Aurora Funeral Home. Den combersacion cu gerente di e cas funerario Anthony Latham el a splica cu tur e material cu nan a ricibi diahuebs den dia ta di e seccion di cremacion cu pronto nan lo bay habri.

Pa esaki ta construyendo un seccion banda di e sede actual di Aurora Funeral Home. Latham a splica cu ya caba tempo e tabata studiando na Merca, el a yega di traha na un cas funerario cu tabatin su instalacion di cremacion, ya cu hopi hende ta uzando esaki.

Despues cu el a logra establece su mes den comunidad y tin un number conoci caba, e doñonan a dicidi cu ta momento pa amplia nan servicio y incorpora cremacion tambe den esaki, ya cu tin demanda pa e forma di entierro aki tambe. Apesar cu e cultura no ta completamente cla pa esaki, e peticion pa e forma di entierro aki tey.

Na e momentonan aki ora cu Aurora Funeral Home haya peticion pa cremacion, ta manda e curpa Corsou caminda tin e ekipo necesario y despues ta trece e shinishi back pa Aruba. Y e forma aki ta costa basta placa. Di otro banda, cremacion ta costa e famia hopi menos placa si tur cos tuma luga na Aruba mes. Apenas Aruba ta bay pasa den Parlamento e ley cu ta permiti cremacion. Esaki ta bini cu condicionnan cu e cas funerario mester mantene su mes na dje tambe. Tin speranza cu e ley aki por worde pasa prome cu final di aña. Segun Latham a splica, a construi un kapel nobo, cu lo bay carga basta hende, y patras did je a construi e facilidad pa e crematorio.

El a sigura cu e tipo facilidad aki lo no bay tin ningun molestia pa bisindario, pasobra lo no bay tin ni huma y holor.

Nan ta spera cu pa mitar di Decembr'12 of cuminsamento di januari, cu nan por cuminsa opera. El a splica cu e ley mester worde pasa prome, pa e Minister por duna nan e vergunning necesario. Esey nan no por cuminsa traha. Na momento di e mashin, esnan cu a bende e ekipo lo bini Aruba pa duna e training necesario. E



forma di entierro aki ta worde uza pa un gran mayoria tanto na Merca como na Hulanda, ya cu e ta mas barata. E proyecto aki ta uno cu a rekeri un inversion di un kwart mion Florin.

E aparatonan cu a worde compra ta encera cu lo por bay kima 4 curpa pa dia, sinembargo e ta

kere cu pa cuminsa na Aruba e lo bay ta un cliente pa luna, dependiendo di e cultura. Esta di kico e hendenan kier. El a enfatisa cu e no a compra e ekipo pa gana placa, sino pa brinda un servicio extra na e diferente religionnan cu tin na Aruba.

